

Sarajevo, 01.02. 2016 god.

## INICIJATIVA

**POSLANIK: MARIO VUKASOVIĆ**

**Inicijativa upućena : Vlada KS, Ministarstvo za obrazovanje, nauku i mlade KS, Ministarstvo za rad, socijalnu politiku, raseljena lica i izbjeglice KS**

### **Inicijativa :**

Podnosim inicijativu da se sačini službena i detaljna analiza o stanju zaposlenosti mlađih u Kantonu Sarajevu.

### **Obrazloženje :**

I ove godine KS je izdvojio dio budžeta za aktivne politike zapošljavanja mlađih. Svi pokazatelji nam govore da su ove aktivne politike zapošljavanja izuzetno neefikasne, zastarjele i da KS svake godine zapravo baci jednu ogromnu količinu novca jer ove politike ne poluče željene rezultate. Ovi programi su izuzetno neefikasni, što je pokazao i izvještaj revizije učinka „Upravljanje programom zapošljavanja mlađih“ rađen od strane Ureda za reviziju institucija FbiH prije nekoliko godina.

Ova analiza nam je potrebna kako bi uvidjeli efekte dosadašnjih politika zapošljavanja.

Zato, podnosim inicijativu da se sumiraju sva dostupna provedena istraživanja o nezaposlenosti mlađih, o problemima i potrebama tržišta rada, obrazovnom sistemu i njegovoj usklađenosti sa tržištem rada, kompetencijama i slabostima nezaposlenih mlađih, trenutnim i potencijalnim mogućnostima zapošljavanja, prvenstveno u privrednom, ali i u javnom sektoru, zatim analaze revizorskih izvještaja koji tretiraju ovaj problem, statistike resornih zavoda i agencija, preporuke međunarodnih eksperata te istraživanja i analize nevladinih organizacija i institucija vlasti. Na osnovu ove analize potrebno je kreirati nove politike zapošljavanja koji neće biti temeljeni na neefikasnim mjerama sufinansiranja obavljanja pripravničkog staža u javnom sektoru, već na poticaju samozapošljavanja ili sufinansiranja prvog zapošljavanja mlađih u privrednom sektoru. Stavimo na raspolaganje mlađima slobodne poslovne prostore u vlasništvu KS, formirajmo biznis inkubatore i IT hubove i učinimo ih široko dostupne mlađima. Program „Omladinsko preduzetništvo“ Federalnog zavoda za zapošljavanje iz 2011 godine u kojem je učestvovalo 99 mlađih osoba, pokazao je da su 64 osobe i nakon isteka Programa nastavile s registriranim djelatnošću, što nam je dodatni pokazatelj pravca u kojem aktivne politike zapošljavanja trebaju ići.